

GRASIA, AMOR I KOMUNION



Lès 13 pa Sèptèmber 26, 2026




“ E grasia di
Señor Hesu-
Kristu i e amor di
Dios i e komunion
di e Spiritu
Santu sea ku
boso tur ”

(2 Korintionan 13:14, ESV)

E fòrmula di mas komun den e seramentu di Pablo su kartanan, huzá ku variashonnan leve den 13 di su 14 epístelnan, ta: “ E gracia di nos Señor Hesus Kristu sea ku boso ” (Rom. 16:24; 1 Kor. 16:23; Gal. 6:18; Efe. 6:24; Fil. 4:23; Kol. 4:18; 1 Tes. 5:28; 2 Tes. 3:18; 1 Tim. 6:21; 2 Tim. 4:22; Tito 3:15 ; Filemon 1:25; Heb. 13:25).

Sinembargo, den e di dos karta na e Korintionan, el ta hasi un eksepsjon importante. Su despedida ta inkluí e gracia, amor, i komunión di tur e personanan di e Divinidad : E Yu, e Tata, i e Spiritu Santu (2 Kor. 13:14).



“ E gracia di Señor Hesus Kristu ”



“ E amor di Dios ”



“ E komunión di e Spiritu Santu ”



“ Sea ku boso tur ”

“E GRASIA DI SEÑOR HESUS KRISTU”

“ Pasombra boso konosé e gracia di nos Señor Hesus Kristu, ku ounge E tabata riku, tòg pa boso motibu El a bira pover, asina ku boso dor di Su pobresa lo por bira riku.” (2 Korintionan 8:9)

Pablo ta kuminsá i ta kaba su di dos karta na e Korintionan ku un referensia na e gracia di Hesus. (2 Kor. 1:2; 13:14). Di kiko e gracia aki ta konsistí?



El a laga e rikesanan etèrno di shelu i a bira pover asina ku nos lo por eredá Su rikesanan (2 Kor. 8:9)



El a kana dor di nos mundu asina ku nos lo por konos’É, stim’É, i imit’É (Juan 15:12)



El a humiyá Su mes i l a bira obedesido te na morto pa pordoná nos pikánan i duna nos bida etèrno (Fil. 2:8)

Kiko ta sosodé ku esnan di nos kende ta risibí Su

Nos ta wòrdu hustifiká (Rom. 3:24; Efe. 1:7)



Nos ta regosihá den speransa (Rom. 5:2)



Nos ta risibí poder for di Kristu (2 Kor. 12:9)



Piká no tin dominio riba nos (Rom. 6:14)




Nos lo reina den bida ku Hesus (Rom. 5:17, 21)



“E AMOR DI DIOS” (1)

“ Esun ku no ta stima no konosé Dios,
pasombra Dios ta amor.” (1 Juan 4:8)

E Beibel ta deklará enfátikamente ku Dios ta amor (1 Juan 4:8). El a basha e amor ei riba tur Su kreashon. Nos por mira esaki den nos propio kurason; den e relashon entre mayornan i yiunan; den flornan bunita; den paranan melodioso; ...



Pablo a siña e Korintionan (i nos, naturalmente) ku amor ta edifiká (1 Kor. 8:1); ku nada tin balor sin amor (1 Kor. 13:1-3); i ku tur kos mester wòrdu hasí ku e amor ei ku ta bini for di Dios. (1 Kor. 16:14).

Pero, sin duda, e ekspreshon di mas grandi di Dios Su amor lo por wòrdu mirá den e ofresementu di Hesus komo un sakrifisio pa nos pikánan (Juan 3:16).

E ehèmpel aki ta guia nos pa komportá pa ku otronan ku e mesun amor ku Dios a musta nos (1 Juan 3:16)

“E AMOR DI DIOS” (2)

“ Finalmente, rumannan, pasa bon. Pone kosnan na òrdu, skucha na mi apelashon, sea di akuerdo ku otro, biba na pas; i e Dios di amor i i di pas lo ta ku boso.” (2 Korintionan 13:11)

Pablo ta presentá Dios na un manera variá:

♥ “ Dios di pasenshi ” (Rom. 15:5)

♥ “ Dios di speransa ” (Rom. 15:13)

♥ “ Dios di pas ” (Rom. 15:33)

♥ “ Dios [...] di miserikòrdianan ” (2 Kor. 1:3a)


♥ “ Dios di tur konsuelo ” (2 Kor. 1:3b)

♥ “ Dios di amor ” (2 Kor. 13:11)



Dios no ta solamente posee tur e karakterístikanan aki, pero E ta e fuente for di kual nan tur ta originá na nos.

Manera nos a mira, Dios ta amor, pero E ta tambe e Dios di amor, esei ta wòrdu bisá:



Ku Dios e Tata ta duna nos Su amor (1 Juan 3:1)



Ku Dios Kristu ta yena nos ku tur plenitut ku Su amor (Efe. 3:19)



Ku Dios e Spiritu Santu ta drama Su amor riba nos (Rom. 5:5)

“E KOMUNION DI E SPIRITU SANTU”

“ Ku e gracia di Señor Hesu-Kristu, i e amor di Dios, i e komunion di e Spiritu Santu sea ku boso tur.” (2 Korintionan 13:14)

Pablo ta desea ku nan lo ta ku nos: e gracia di un Persona (Señor Hesus Kristu); e amor di un Persona (Dios); i e komunion ... di un poder òf di un Persona? (2 Kor. 13:14). Pa bienestar di konsistensia, Pablo ta papiando di un Persona (e Spiritu Santu), i no di un poder.

Den su mas ku 40 referensianan na e Spiritu Santu den e kartanan na e Korintionan, Pablo ta present’E ku kualidatnan personal, i no djis komo un forsa saliendo for di Dios:



Ekipá hende pa e mishon
(1 Kor. 2:4)

E ta revelá na nos e kosnan profundu di Dios
(1 Kor. 2:10)

E ta siña nos (1 Kor. 2:13)

E ta biba den nos (1 Kor. 3:16)

Ta kooperá ku Kristu pa nos hustifikashon
(1 Kor. 6:11)

E ta duna donnan spiritual (1 Kor. 12:7-11)

E ta seya nos pa salbashon (2 Kor. 1:22)

Ta imprimí e lei riba nos kurason (2 Kor. 3:3)

E ta duna nos bida nobo den Kristu (2 Kor. 3:6)

E ta duna nos libertat for di piká (2 Kor. 3:17)

“SEA KU BOSO TUR”

“ kende a wòrdu skohí segun e konosementu previo di Dios e Tata, pa medio di e obra di santifikashon di e Spiritu, pa ta obedesido na Hesus Kristu i wòrdu gesprèngu ku Su sanger: Grasia i pas sea ku boso den abundansia.” (1 Pedro 1:2 NIV)

Ounke ku nos ta kustumbrá di referí na e Trinidad (tres Persona divino, un Dios) den e órden “ Tata, Yiu, Spiritu ” (Mat. 28:19), Pablo ta presentá esaki komo “ Yiu, Tata, Spiritu ” (2 Kor. 13:14), i Pedro komo “ Tata, Spiritu, Yiu ” (1 Pedro 1:2).

No tin ningun hirarkia entre nan; kada un simplemente ta asumí un ròl diferente den e plan di salbashon, pero tur ta kompartí e mesun karakterístikanan i propósitonan.



Pablo ta konkluí su karta, pa esei, deseando ku e gracia, amor, i komunión di henter e Divinidad lo ta ku nos tur (2Kor . 13:14)

“ E Tata no por wòrdu deskribí pa medio di e kosnan di tera. E Tata ta tur e plenitut di kurpa di e Divinidad, i ta invisibel na bista mortal.

E Yui ta tur e plenitut di e Divinidad manifestá. [...]

E Konsoladó ku Kristu a primití pa manda despues ku El a asendé na shelu, ta e Spiritu den tur e plenitut di e Divinidad, manifestando e poder di grasia divino na tur kende ta risibi i ta kere den Kristu komo un Salbador personal. Tin tres persona bibu di e trio selestial; na nòmber di e tres podernan grandi aki – e Tata, e Yiu, i e Spiritu Santu – esnan kende ta risibi Kristu dor di fe bibu ta wòrdu batisá, i e podernan aki lo kooperá ku e suhetonan obedesido di shelu den nan esfuersonan pa biba e bida nobo den Kristu.”